

## «Sektore gehienetan, istripuak baino lan gaixotasun gehiago izaten dira»

### ■ Zein egoeratan dago segurtasuna enpresetan?

Prebentzioaren arazo larriena zera da: burokrasia eta paper pilo bat betetzeko kontu bat bezala hartu dute. Nire ustez, hori ez da prebentzioa. Istripu bat gertatzen denean, laneko arriskuen ebaluazioa egiten da, baina inork ez dio arazo horri kasurik egiten. Prebentzioa paper batzuk bete eta erakusteko kontu bihurtu da, eta horrek ez dauka istripuetan eraginik.

### ■ Enpresek derrigorrez segurtasunaren aldeko programa bat izan behar dute?

Bai, derrigorrezkoa da. Zenbait enpresatan kalitate arduraduna jarri dute; egokia litzateke kalitatea, ingurugiroa eta osasuna lotu eta arduradun bat izatea. Baina ez da horretarako pausorik ematen. Arau baten falta ere nabaritzen da.

Prebentzioaren arloan dagoen arazo bat da jende askok bakarrik istripuak hartzen dituela kontuan. Sektore gehienetan, berriz, ez da istripu-

**«Prebentzioa paper batzuk bete eta erakusteko kontu bihurtu da gaur egun»**

rik izaten. Istripuak baino gehiago lan gaixotasunak izaten dira.

### ■ Zer egin beharko litzateke enpresariak kontzientziatzeko?

Lehendabizi, administrazioak adibideak eman behako lituzke. Bes-

etik, administrazioak berak kontratatzen dituen enpresei exijentzia batzuk eskatu behako litzieke. Arau bat jarriko balu, eta legea ez betetzeagatik zigor bat ezarri, orduan aldatuko lirarteke gauzak.

### ■ Noliz hasi ziren enpresak segurtasunaren alde lan egiten?

Azken urteetan, enpresa handietan aldaketak gertatu dira, baina enpresa txikietan ez, sindikatuen boterea txikia delako. Lan istripuen eragina gizarteratzea lortu dugu. Orain dela 6 urte inor ez zen ohartzen hauetaz. Egun, beste pauso bat eman behar dugu eta lan gaixotasunak gizarteratu behar ditugu.

### ■ Sindikatuek zer eragin izan dute prebentzioaren arloan?

Nik esaten dut osasun teknikarien agente komertzialak garela. Guk komunikabideekin hitz egiten dugunean, berehala esaten didate kontratatu egin dituztela arrisku azterketa bat egiteko. Eta bide honekin lanean jarrai dezagun eskatzen digute. Zergatik gertatzen da hori? Gai hori ahaztuta dagoelako.

Sindikatu batzuek uste dute prebentzioa enpresen behar bat dela, administrazioa zaintza lana egiteko dagoela, eta sindikatuei salatzea egokitzen zaiela. Gu ez gaude ados horrekin. Salatu bai, baina inplikatu egin behar dugu irtenbideak topatzeko.

Arau hauek kontrolatzen dute laneko segurtasuna; hala ere, ez dago ziurtagiri ofizialik. Eta Osalaneko teknikari batek adierazi digunez, etorkizunean ere ez da halakorik sortuko: «Etorkizunean ez dut uste ISO araurik sortuko denik, bi arazoirengatik: batetik, ez dagoelako nahiko eskaririk enpresen aldetik. Bestetik, zenbait jende uste du prebentzioaren arau hauek ingurugiroaren barnean sartu beharko lirartekeela, kanpoko zaintzeaz gain barnekoa zaintzeko».

### Aldaketa txikiak

Azken urteetan, prebentzioaren alorrean aldaketak gertatu badira ere, oraindik enpresariak ez daude guztiz kontzientziatuta segurtasunaren aldeko lanarekin, nahiz eta eskatzen diren baldintzak oso gogorak ez izan. CCOOko kide Jesus Uzkudunen aburuz, «enpresek ez dute ondo ezagutzen segurtasuna, eta, era berean, borondate falta dago».

Enpresek prebentzioaren alde lan egin dezaten, subentzio sistema bat du Osalanek. Honez gain, hasieran batez ere, Confebask eta beste elkarte batzuk enpresariak kontzientziatzen saiatu ziren.

Kalitatearekin gertatu bezala, pixkanaka enpresariak eta langileak segurtasunaren garrantziaz ohartzen ari dira, eta aldatketak etorriko dira alor honetan; hala adierazi digu Jesus Uzkudunek: «20 urte darama-

tzat honetan lanean, eta aldaketak sumatzen ditut; txikiak, baina pozik gaude. Hala ere, gehiago astindu behar da. Gure ustez, gai hau aldatzeko modu bakarra langileen eskutik etorriko da, eta gu horretan saiatzen ari gara».

Segurtasunaren aldeko lanean, enpresariak ez ezik gizarteak ere kontzientzia hartu beharko du prebentzioak duen garrantziaz. Osalaneko teknikari batek azaldu digunez, «propaganda egiteko unea, Aenoren zigilua izateak (Iso 9000 edo 14001) asko lagundu dezake, bezeroak hauek kontuan hartzen baititu. Baina segurtasunaren kasuan, bezeroa enpresaren barnean aurkitzen da, eta oraindik horrek ez du gizaratean eraginik sortzen».

Osalanetik adierazi digutenez, prebentzioaren alde lan egiten duten enpresetan lan istripu gutxiago izaten dira, kontrolatuagoak daudelako. Jesus Uzkudunek, berriz, ez dauka hori hain argi «izan ere, prebentzioa paper kontu bat den bitartean, ez du istripuetan eraginik izango».

**Enpresariak eta langileak segurtasunaz arduratzen hasi dira**



EGUNKARIA

Zure aire egokitu sistemako hodiak nola dauden jakin nahi al duzu?

**Uni2k bideo-ikuskapen robotizatua eskaintzen dizu doan.**

Dei iezaguzu, Aire Egokituko Hodien Garbiketa eta Desinfekzio Robotizatuan adituak gara.



**Unión Internacional de Limpiezas, s.a.**

Zerbitzu Osoko Enpresa

BULEGO NAGUSIAK

Larraskitu errepidea, 35 48002 BILBAO Tel.: 902 20 22 52 - 94 443 24 12 Faxe. 94 421 09 27

ORDEZKARITZAK

GAZTEIZ Tel.: 945 28 59 29 Faxe: 945 28 84 90 DONOSTIA Tel.: 943 61 87 68 Faxe: 943 61 20 45

Posta elektronikoa: uni2@sistelcom.com